



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

X. Probatur etiam exemplo Desiderij Viennensis Archiepiscopi.

urn:nbn:de:hbz:466:1-15617

tionis peragenda cura à Principe delegata est Ennodo, qui Dux olim fuerat. Rex Episcopos regni sui evocat apud urbem Metensem; ubi reus convictus, crimen suum confessus est, aiens se reum mortis esse. At ille confusus ait: *Ad sententiam dandam super culpabilem ne moremini. Nam ego novi me ob crimen maiestatis reum esse mortis.* Iudicio itaque synodi depositus fuit. Cum autem Episcopi vita gratiam illi fieri obtinuissent à Rege, in exilium pulsus est apud Argentoratum; Romulfus vero in ejus locum substitutus est. Episcopi --- obtenta vita, ipsum ab ordine sacerdotali, letis canonum sanctificationibus, removerunt. Qui statim ad Argentoratem eum urbem, quam nunc Strataburgum vocant, deducatus, exilio condemnatus est. In cuius locum Romulfus, filius Lupi Ducis, Episcopus subrogatus est. Ceterum ea depositio eo majoris momenti est quod adversus Episcopum Metropolitanum decreta est; cui Rex dat iudices non secus ac simplici Episcopo, tametsi cognitio causarum Metropolitanorum pertinere posset ad Summum Pontificem. Tum etiam sententia executioni mandatur, nulla prorsus facta relatione ad apostolicam sedem.

X. Anno dein sexcentesimo tertio, ut narrat Fredegarius in Chronico, Desiderius Metropolitanus Viennensis, pridem Reginae Brunichildi invitus, in synodo Cabilonensi depositus fuit, & in quandam insulam projectus. Domnulus vero in ejus locum substitutus est, tametsi nulla super hoc apostolicae sedis rescripta emanassent. Anno octavo regni Thedorici, inquit Fredegarius, synodus Cabillono colligitur. Desiderium Episcopum Viennensem desicunt; & instigante Ario Lugdunensi Episcopo & Brunichilde, subrogatus est loco ipsius sacerdotali officio Domnulus. Desiderius vero in insulam quandam exilio destitutus.

XI. Bella domestica quæ Gallias commoverunt sub Theodoro Rege & Ebroino. Majore domus regiae nonnullos quoque Episcopos in partes traxerunt, reos ab hoc lœse maiestatis. Itaque cum Rex & Ebroinus synodum alicubi convocassent, plures Episcopi in ea dejecti sunt, ac praesertim Dido, qui dein caput plexus est; alij vero in exilium tantum pulsii sunt jussu Principis. Cum vero in partes quoque transgressus fuisset Leodegarius Episcopus Augustodunensis, dimissus non fuit ad judicium synodi; sed Comiti palatino traditus, ejus jussu capitis pœnam subiit. Vetus auctor vita sancti Leodegarj, qui haec omnia edidicerit, acerbè invehitur in eos qui sanctum hunc virum iniquo iudicio morte damnata

runt; sed tamen nullam querelam movere adversus pœnam Didoni aliisque Episcopis irrogatam. *Theodoricus Rex, inquit, & Ebroinus synodum in quadam villa regia convocantes, multam Episcoporum turbam adesse fecerunt; ibique inter ceteros Didonem --- condemnatum ab ipsa synodo, calvaria accepta in capite expulsum segregant à sancta congregatione. Deinde exilio condemnatus, morteque seccata, pœna capitis exoluit. Alij porro Episcopi tunc à Rege per Ebroinum in ipsa synodo pœnam similem fortissimam, perpetuo exilio sunt deportati.*

XII. Recurrit nunc Gregorij magni prudentia ut se delicatis Gallorum ingenii accommodaret, interim verò sedis apostolicae dignitatem retineret. quam prudenter etiam adhibuerat quoad Africanos. Vismus itaque expedire ut Virgilio Arelatenſi Episcopo vicariatum sedis apostolicae tribueret, edicto, ut causas ille fidei aut Episcoporum judicaret, congregatis duodecim Episcopis; ea tamen adiecta conditione, ut si causa quæpiam difficulter incideret que in provincia definiti non posset, ea ad sedem apostolicam referretur. *Si qua verò, inquit, Gregorius, inquisitio de fide vel fortasse aliarum rerum in Episcopos causa emerget que discerni difficultas possit, collectis duodecim Episcopis ventiletur atque decidatur.* Si autem decidi nequiverit, discussa veritate ad nostrum judicium referatur. Attamen licet Episcopi Arelatenſes vicariatum apostolicae sedis accepissent ab hinc annis centum & viginti cum auctoritate convocandorum Conciliorum, certum est eos nullam synodum congregasse, si synodus provincie Arelatenſis excipias. Contra, Regum illæ jussu convocata fuerunt; & iudicia in illis lata sunt adversus Episcopos, nulla mentione facta Episcopi Arelatenſis, ut plurimum absens a Concilio.

XIII. Testatum fecerat Gregorius vel le fe ut Episcoporum & aliorum Clericorum Africanorum causa in synodis provincialibus definiantur, delegatione in eam rem data uni ex Episcopis Africanis. Haud absimili consilio vicariatum suum concessit Episcopo Arelatenſi, præcipiens item ut causæ Episcoporum ac aliorum Clericorum Gallicanorum in provinciis terminentur. Sed aperta rursum in eam rem sunt verba ejus ad Reginam Brunichildem scribentis. Neque enim aliud ad commendandam sedis apostolicae dignitatem exigit quam ut Regina approbet mitti in Galliam Legatum; quod habita synodo adversus Episcopos impudicitiae reos, pœna in eos decerneretur. Satisfieri itaque censebat auctoritati sua si in synodo adesse fineretur Legatus à Romana sede directus; adeoque non cogitabat